



Nastavljeno suđenje Abdiji Osmanoviću iz Živinica



Vještak na suđenju protiv robovlasnika potvrdio kako je njegova žrtva često mučena

Osmanović je optužen da je zlostavljao i tukao djevojku sa blagom metnalom retardacijom te ju tjerao da prosi za njega

• Piše: H. Rovčanin
• kronika@dnevni-list.ba

SARAJEVO – Amerisa S., djevojka sa blagom retardacijom, koju je prema optužnici Tužiteljstva BiH u ropskom odnosu držao Abdija Osmanović (1968) iz Živinica, je na svim dijelovima tijela imala veliki broj ožiljaka koji su nastali u ranijem razdoblju. Ovo je jučer, iznoseći nalaz i mišljenje u Sudu BiH na suđenju Osmanoviću, koji je optužen da je zlostavljao i tukao djevojku te ju tjerao da prosi, ispričao vještak medicinske struke doktor Zdenko Cihlarž, koji je obavio pregled oštećene.

Pošto su ožiljci u trenutku liječničkog pregleda (veljača prošle godine, op.a.) bili starijeg porijekla, doktor Cihlarž se ipak nije mogao izjasniti o vremenu njihova nastanka. Iz nalaza koji je vještak iznio u sudnici, moglo se čuti da je oštećena djevojka na nadlaktici, podlaktici, natkoljenici i stopalu imala ožiljke koji su, prema izgledu i karakteristikama, mogli nastati od

ugašenih cigareta na koži.

„Promjene su nadalje, nađene na čelu, obrazu, dojci, grudnom košu, podlaktici, dlanu, nadlakticama i leđima, te su nastale od ozljeda koje su nanosene šiljkom ili oštricom oštrorog oruđa. Pri tome se ne može isključiti da je riječ o nožu. Također, neki od ožiljaka na podlakticama su mogli nastati od aktivno-odbrambenih povreda. Uočene su i ozljede na desnom ramenu i grudnom košu koje su nastale su djelovanjem nekog zamahnutog izduženog predmeta, moguće da se radilo o kabežu“ naveo je doktor Cihlarž.

Neke od ozljeda koje je vještak uočio su šivane, dok su ozljede dva gornja nastale djelovanjem, odnosno udaranjem tvrdim predmetom, moguće čak šakom ili stopalom. Zanimljivo je i da je rana nađena na čelu koja je mogla biti nanosena djelovanjem satare. Nakon doktora Cihlarža, doktorica Alma Bravo – Mehmedbašić je iznijela u sudnici timski nalaz neuropsihijatrijskog i psihološkog

vještačenja, u kojem je između ostalog i navedeno kako je oštećena osoba sa lakom mentalnom retardacijom.

„Njene mentalne sposobnosti su na nivou djeteta od šest do devet godina. Sugestibilna je i povodljiva, a zbog slabijeg razumijevanja nije u mogućnosti da se zaštiti od intelektualno superiornije ličnosti. Reagira adekvatno afektivno kada priča o zlostavljanju, plače, uznemirena je i njena priča je generalno autentična i ubjedljiva“, istakla je doktorica Bravo – Mehmedbašić, te dodala da djevojka pokazuje simptome PTSP-a, izraženu anksioznost i strah.

Ipak, oštećena, prema riječima vještakinje, ne boluje od trajne duševne bolesti, zbog čega može biti vjerodostojan svjedok na sudu. Nastavak suđenja Osmanoviću koji je optužen za zasnivanje ropskog odnosa i prijevoz osoba u ropskom odnosu, sudac Izo Tankić je zakazao za 18. veljače, kada je planirano da svoj iskaz u Sudu iznese i oštećena djevojka.